

Uunga siunnersuut: Nunatta Karsiata 2013-mut naatsorsuutaasa akuersissutigineqarnerat pillugu Inatsisartut aalajangiiffigisassa

(Aningaasaqarnermut Aatsitassaqaqarnermullu Naalakkersuisoq)

Akissuteqaat

(Aningaasaqarnermut Aatsitassaqaqarnermullu Naalakkersuisoq)

2. suliarineqarnera

Naalakkersuisut sinnerlugit Kukkunersiuinermit Ataatsimiititaliaq naatsorsuutit suliarineqarnerannut atatillugu sukumiisumik sulisimaneranut qutsavigaara.

Naalakkersuisut paasivaat ataatsimiititaliami isumaqatigiillutik naatsorsuutit akuersissutigineqarnissaannik inassuteqartut.

Kukkunersiuinermit Ataatsimiititaliap ulloq 15. maj 2015 isumaliutissiissutaani qinnuteqaatigineqarpoq Naalakkersuisut pissutsinik arlalinnik itisiliinissaat. Taakku Naalakkersuisunut suliamut attuumassuteqartunut saqqummiunneqassapput Kukkunersiuinermit Ataatsimiititaliap allakkatigut akissuteqarnissaa siunertaralugu.

Tamatuma saniatigut ataatsimiititaliaq sammisamut atatillugu arlalinnik apeqquteqaateqarpoq, taakku Naalakkersuisumut akisassanngorlugit nassiunneqarput.

Naggasiullugu Nunatta Karsiata naatsorsuutaasa inaarsarneqarnerat saqqummiunneqarnissaallu pillugit siunissami ingerlaavartumik ilisimatinneqartarnissaq pillugu ataatsimiititaliap kissaataa Naalakkersuisut isumaqatigigaat oqaatigissavara.